

efan a tha toillteanach air bàs :
cha chuirear gu bàs e aig beul
aon fhianuis.

7 Bithidh làmhha nam fianuif-
can air 'an toiseach, g'a chur gu
bàs; agus 'na dhéigh sin làmhan
an t-sluaigh uile: mar sin cuir-
idh tu 'n t-olc air falbh o bhur
measg.

8 Ma dh'éireas cùis a bhios
ro-chruaidh ort ann am breith-
eannas eadar fuil agus fuil, eadar
breth^a agus breth, agus eadar
buille agus buille, *eadhon* cùisean
conspoid an taobh a stigh do d'
gheataibh; 'an sin éiridh tu, a-
gus théid thu suas do'n ionad a
thaghas an Tighearna do Dhia,

9 Agus thig thu chum nan
sagart nan Lebhitheach, agus a
chum a' bhreitheimh a bhios
anns na laithibh sin, agus fìof-
raichidh tu; agus nochdaidh iad
dhuit focal^b a' bhreitheanais.

10 Agus ni thu a réir na
breithe a nochdas muinntir an
àite sin (a thaghas an Tighear-
na) dhuit, agus bheir thu 'n aire
gu'n dean thu a réir gach ni a
theagaisgeas iad duit:

11 A réir breth an lagha a
theagaisgeas iad dhuit, agus a
réir a' bhreitheanais a dh'innseas
iad duit, ni thu: cha chlaon thu
o'n bhreth a nochdas iad duit, a
chum na làimhe deise no na
làimhe clithe.

12 Agus an duine a ni^c gu
h-andana^d, agus nach éisd ris
an t-sagart (a sheafas gu frithea-
ladh 'an sin 'an làthair an Tigh-
earna do Dhé) no ris a' bhreith-
eamh, bàsaichidh eadhon an
duine sin, agus cuiridh tu 'n t-olc
air falbh o Israel.

13 Agus cluinnidh an sluagh
uile, agus bithidh eagal orra, a-
gus cha dean iad gu h-andana
ni's mò.

14 'Nuair a thig thu chum
an fhearainn a bheir an Tigh-
earna do Dhia dhuit, agus a
shealbhaicheas tu e, agus a gha-
bhas tu còmhnuidh ann, agus a
their thu, Cuiridh mi rìgh os mo
cheann, mar na cinnich uile *ta*
m'an cuairt orm:

15 Cuiridh tu air gach aon
chor esan 'na rìgh os do cheann
a thaghas an Tighearna do Dhia:
aon o mheasg do bhràithre cuir-
idh tu 'na rìgh os do cheann:
cha 'n fheud thu coigreach a
chur os do cheann, nach 'eil 'na
bhràthair dhuit.

16 Ach cha chuir e eich 'an
lionmhoireachd dha féin, ni mò
a bheir e air an t-sluagh pilleadh
do'n Eiphit, a chum as gu'n cuir
e eich 'an lionmhoireachd: do
bhrìgh gu'n dubhairt an Tigh-
earna ribh, Cha phill sibh a so
a mach ni's mò air an t-slighe
sin.

17 Ni mò chuireas e mnà
'an lionmhoireachd dha féin,
a chum nach claon a chridhe
air falbh: ni mò a mheudaicheas
e gu mòr dha féin airgid agus
òr.

18 Agus an uair a shuidheas
e air rìgh-chaithir a rioghachd,
'an sin ath-sgrìobhaidh e dha féin
an lagh so^c ann an leabhar, as
an *leabhar sin a tha* 'n làthair nan
sagart nan Lebhitheach.

19 Agus bithidh e aige, agus
leughaidh e ann, uile làithean a
bheatha; chum gu fòghlum e
eagal an Tighearna a Dhé a bhi
air,

^a tagartas, cùis-lagha. ^b binn. ^c ghiùlaincas e féin. ^d dalana.
^e sgrìobhaidh e dha féin dùblachadh an lagha so.